

白石樵真稿卷之八

祭文

祭荆石王相公文

古云千人諾諾。一士諤諤。自余事公而始。味此語之無
作。憶當乙酉。公批余文。疑有仙骨。恨羽毛之尚薄。時與
辰玉同應南舉。同罷公車。辰玉有志於再戰。而余則決
意乎蓬藿。丙戌。辰玉別余入都。予裂青衿而招之。云盍
歸乎。來相與逍遙。從楊許于碧落。公聞而笑。是子也不
鳴不舞。無乃類羊公之雀。戊子。領解。辰玉向亨。余遁自

白石樵真稿

卷八

祭文

一 祭荆石王相公

若既而辰玉且譽且誹。且戰且却。乃寄書戲余。為李文
靖。而公亦嘆余之不為名縛。辛丑。辰玉上第。馳詔。故
鄉。金羈玉絡。公也笑迎。幸衣鉢之有托。何期冢孫云亡。
辰玉病劇。種種衰相。如青天之忽散。為冰霰。而春花之
竟隕。為秋籜。晚而司馬再相。召命入洛。人以為慶。予以
為愕。未幾不祥之事。與不解之詬。遂彌天而大作。管者
登龍。今者羅雀。余再請門。慰公寂寞。餘波及之。幾不免
耽耽之饞嚼。然而心本無他。豪傑所覺。積霧浮陰。漸解
漸駁。而公已騎箕尾。而游冥漠。嗚呼痛哉。公忠孝簡于



帝心羽翼定于儲幄。社稷大計非山澤之所能圖。度獨其門無四知之金室。無姬貳之樂不市恩不修郗。不人才牢籠不名譽雕琢。殘花數畦枯棊數着。公自諒機心機事之盡忘人。亦訝世情世法之太略而不知者。猶猜其退而營進。坦而藏。齔老而強。飯病而不藥。及今益棺而果信公。邯鄲之夢絕不及於平津之閣。嗚呼冤哉。嗚呼痛哉。夫老臣心迹不明。猶望有朝議之是非。如昨是非不明。猶望有常情之恩怨。如昨恩怨不明。猶望有天道之善惡。報應如昨。今天以摧殘人以謚詠。門祚

凋謝子孫單弱三者一無憑焉。豈月盈必虧。果碩必剝。咄不共笑齒不竝角。卽公且不能逃盛衰之數。而幽明古今原如此之混沌。而舛錯者耶。帝闈茫茫。坐視爲虐。鬼神憤憤。似復相諱。物情三變。劫運五濁。夫何言哉。不如夜壑。

祭孫雪居文

惟公起自世家。出爲循吏。早歲掛冠。退有餘地。季鷹達
生。仲長樂志。豪舉沒身。實強人意。東臯之上。花榭月臺。
曲折回互。妙有化裁。輞川清秘。老而不埃。錦纏綺席。塗
冊捲白。擊鼓考鍾。卜晝及夕。舞袖歌喉。老而不斲。好客
之癖。聞於江東。履綦如雲。談笑生風。坐上酒尊。老而不
空。爾橐則虛。爾腸則熱。飢寒借色。交游借舌。緩急稱施。
老而不絕。名盡法書。遠近購求。寸縑是寶。片紙千秋。研
田長稔。老而不愁。蒼舊共推。風流自命。中無俗情。戲有
傳誰朽。快哉公乎。醉我一缶。

白石樵真稿

卷八

祭文

二

祭孫雪居

祭方伯張錫之

公性溫良。氣容與。畏羶途。憚苛禮。削廉隅。鋤營壘。與人
交。揭心膂。與人談。呼爾汝。我醉欲眠。類淵明之真率。日
出科頭。似管寧之晏起。五載東陽。九年郎署。與吳淳夫
同寅。而袖手不掌職。方與崔呈秀同門。而絕足不阿權。
貴大節。皎然。小心自喜。何羨蠅頭。何蹈虎尾。看火焰之
亂投。咲冰山之徒倚。觀察則清淨絕塵。方伯則澹泊如
水。或賦詩。或隱几。解羽鱗。釋囚繫。栽野蔬。灌庭卉。衣三
浣。食單簋。且嘯且歌。爲湖山之蘇。白方內。方外爲衣冠。

白石樵真稿

卷八

祭文

四

祭方伯張錫之

之巢許。旣用物之不宏。庶遐齡之可擬。何爲乎絕其伯
道之兒。并絕其中郎之女。五日病危。七尺已矣。丹旄素
旌。返于故里。空山蕭蕭。空齋偶偶。哭泣無人。我淚如雨。

祭馮烈婦文

余拜檇李丁烈婦墓歸。甫小憇。讀易而客復有以新豐馮烈婦事報者。余曰。此一部咸恒易也。夫易之咸而必繼之以恒者何也。咸爲艮兌少男少女夫婦之卦也。故恒之六二恒其德貞婦人吉。夫子凶。象曰婦人吉一而終也。夫夫婦偕老最爲吉祥善事。若馮烈婦二十二而自縊殉夫。恐言吉哉。余曰。此正易之所謂恒也。忠孝節義乃人道中之風雷。何地蔑有烈婦不幸而得恒之正耳。烈婦嫁裔道貧且病。病且就殉。非夫子凶乎。夫死于萬曆丁未五月壬申。而張氏就義於六月辛丑。從一而終。非恒其德貞乎。烈婦一死而郡人奔走告駭以爲奇。非震雷象乎。邑大夫與鄉衮孝秀爭爲文。若詩誄之而遠近賢媛聞之戚戚心動矣。非巽風象乎。雷則震動一時而風則巽入百世。雷風變而恒道成矣。非吉乎。嗚呼。此馮氏一部咸恒卦也。吾曹終日講易而不知有心易。易乃在婦人女子可愧也。夫可愧也。夫。

祭餓死張烈婦文

維萬曆歲次丁未朔日癸亥謹以首陽之薇娥江之水
致祭于明故張烈婦陳氏之靈曰吾聞古之節婦或尅
面引鏡或務耳握刀或割髮表心或截鼻見旨非外迫
豪強則內迫父母耳張茂才彌留之際烈婦以節許之
父母不忍傷烈婦心愍然以白頭守節許烈婦矣豈不
能須臾忍而竟死耶夫程嬰未死以趙氏有朔在張世
傑陸秀夫未死以宋氏有帝昺在今烈婦誰倚乎有孤
則保孤爲重孤無可立則徇夫爲重等歿耳溺死畏死
白石樵真稿

卷八

祭文

六

祭餓死張烈婦

排牆死盜賊毒蛇猛獸死五日不汗死七日不穀死詎
若烈婦今日之死爲快哉村嫗寵婢以緩死勸節婦此
若以蘇屬國洪忠宣勸人夫屬國十九年而歸漢忠宣
十八年而歸宋要自有天幸不當與人臣道也藉令數
年之內不幸以他故死卽不忍爲逆劉豫所留亦將爲
降李陵所笑文信國被執就義稍緩太學生王炎午作
生祭文以速之謄寫百篇榜之水陸通衢曰丞相欠一
歿耳今烈婦飲毒飲金繼之絕粒必從張生地下而後
已旣不覲蘇屬國洪忠宣之生還不待王炎午之生

祭則烈婦之死加忠臣一等矣。一死而後不辱張氏婦。
一死而後不辱陳氏女。一死而九峯若首陽。三泖若娥。
江使見者心膽皆慄。談者齒舌俱香。感激義烈。敬奠一。
觴。非止爲閨闈勸。蓋將廉頑起懦。告諸男子。慎無負七。
尺之鬚眉。而茂百代之綱常也。

再祭張烈婦文

嗚呼伯夷薇仲子李蘇武雪豈不矯矯絕粒哉然而夷也猶寄命于薇也仲也猶寄命于李也武也猶寄命于雪也且武則胡婦爲之左右仲有辟纊夷有叔齊夫婦兄弟一鼓一舞烈婦笑然獨身而已有勸生無勸死則烈婦之不食殉夫又非伯夷以下諸君子可以同日論也嗚呼奇哉嗚呼痛哉

祭樵李丁烈婦文

余讀嘉興柳志志節婦僅兩人耳。蓋嘆而悲之。夫禮義之鄉。度必有奇節。而委巷窶人婦。或閭史不記。國史不書。式廬表墓。闕如也。人固有幸不幸哉。丁烈婦。端平巷中窶人婦也。夫亡葬火。烈婦年十七。投焰者三。父母掖之。堅不死。數日。翁與姑將強嫁之。烈婦伏刀。自到不死。傳以藥手。掣之不死。皮肉綴附一絲。許號哭震裂。喉斷竟死矣。嗚呼異哉。方烈婦之死也。翁姑駭而走。有小姑來視屍。鄰里父母繫其髮屍上。椎詈之。不聽出。業訟之。

白石樵真稿

卷八

祭文

九

祭樵李丁烈婦

官天暑。烈婦不得斂。吾友賀伯闇聞而義焉。身詣巷中。問其事。事核爲解諭。呼翁姑來。釋小姑去。凡紀綱。祿。樵幕旒。悉無憾。郡邑長與士大夫爭爲文以祭。且醵金卜壤葬之。烈婦非特身名不辱。且不朽矣。夫樵李自二百年來。節婦湮滅不勝數。丁烈婦年甚少。家甚貧。一時老稚奔走告語。郡邑士大夫哀輓而表章之者。獨甚著人。真有幸有不幸哉。語云。無言不讐。無德不報。烈婦其何以報鄉之人。大抵愚夫愚婦之死。生如飄風游塵。何關聚散。惟節義之精靈英爽。非歿爲神明。則轉爲男子。將

無驅厲鬼吞妖魅以清此一方民不可知將無再世更生爲孝子忠臣湯火唯命不可知將無生他方吏于故鄉爲監司郡邑長整齊綱常捍恤灾患如同室之救不可知嗚呼是皆爾丁烈婦死後之責也雖然西子沼吳隨范大夫買臣妻去更嫁闢吏攜李至今羞稱之有丁烈婦慷慨殺身以張越勁則烈婦之報攜李多矣且以丁烈婦之故里中聚談或旁引某婦某女或嫁或未嫁或死或尚未死或不及旌或待旌或貧賤格不得旌者縷縷追述其年歲月里居并及其父母夫之姓名宛白石樵真稿

卷八

祭文

十

祭攜李丁烈婦

如昨日事一丁烈婦死而衆貞女烈婦皆生則烈婦之報攜李又多矣豈必徼靈於烈婦之身後哉嗚呼深閨寡婦拭淚而施簪珥立朝大臣易姓而拖青紫下玷丹青上汗青史彼何人哉死而死矣

祭吳江張烈婦

崇禎九年

天王聖明。責重司牧。日照覆盆。春回黍谷。無使民間含
冤。夜哭。吳江張子才。高運促。陳媛孤嫠。抱嬰飢粥。何物
鷲鷹飛。而攫肉輸賄。群兇。百方圈局。中宵擄歸。義不受
辱。詭託禁癘。曾許疥禿。巧計難施。送返父族。邦君誤聽。
速歸于獄。孤憤填膺。訶罵詆觸。甫出獄門。遠訴請鞫。佩
刀斷喉。頃刻鬼錄。直指指金。含殮良木。拷掠朋謀。稽顙
蒲伏。一息游魂。萬姓踏蹴。祭奠如雲。香烟滿屋。行且疏
聞。入告輦轂。表墓旌廬。特祠尸祝。或爲明神。冥司禍福。
白石樵真稿

卷八

祭文

十一

祭吳江張烈婦

不旱不潦。豐年雨穀。或化厲鬼。提兵水陸。奴酋可殲。流
寇可逐。何恨百年。何愁萬斛。白骨馨香。青史瞻矚。獻耶
囑耶。安施面目。

祭陸文定公平泉

天有元神。國有元氣。儲與磅礴。百福攸萃。德位名壽。雖曰合符。古今疇兼。惟公耦俱。前茲辛丑。爲士冠冕。煌煌人文。奕奕天選。後茲辛丑。爲國老更。寵以命使。享以大烹。閱世則九。閱歲實百。現宰官身。過神仙曆。維公道宇。岳峙淵澄。維公局度。月皎風清。不得而親。不得而踈。既遠釣餌。寧挂網罟。不爲名尸。不爲智府。朱弦爲君。玄酒爲母。退也進基。不考而最。歷官七年。生致卿位。虛而實用。功在不言。啓沃密如。寅清穆然。六十罷官。人謂太早。匱而善藏。不喪厥寶。六十生子。人謂太遲。共保歲寒。及子未衰。天之福公。可謂善巧。公之承天。翼翼小心。偃仰林泉。四十年多。鬚眉皓白。冠裳巍峩。一茗一爐。三豆三爵。燕居游息。執事亦恪。邦君國人。負牆以趨。半面爲師。片語作謨。間演三車。以弼四教。德返嬰兒。群狎鷗鳥。比聞藍筍。時出近城。子孫祔祔。觀者闐闐。以公神旺。占國有慶。以公寡言。疑國則病。一旦條然。乘化以歸。神輿尻馬。杳不可追。亦有壽者。蠢爾木石。維公之壽。如泉滙澤。霖雨之膏。厥施一時。泉深土肥。百世賴之。公今仙馭。或

駐斗旁。騎箕再來。功業詎火。所嗛然者。藐予後進。是誨
是携。密印先正。予何人斯。敢比老彭。冀與吾黨。勉奉典
型。

白石樵真稿

卷八

祭文

十一

祭陸文定公平泉二

祭陸平泉宮保

代

人擬吾公。鍾靈峰泐。愚謂不然。斯言太小。五岳之光。含
爲大老。非國非卿。天下之寶。麟經魁士。鶴髮如童。年躋
百歲。位列三公。立德立言。朝野所宗。廉頑起懦。執尸其
功。出處相時。進難退易。心迹雙清。身名無累。一子晚成。
諸孫繞聚。天不忌盈。人亦稱瑞。大瀛海中。真如遊戲。釋
曰吉祥。道曰蟬蛻。儒曰沒寧。三者何愧。觀公之化。易哭
而歌。所不忍公。有女匪他。如攀高松。而附女蘿。松旣萎
矣。蘿可奈何。遵公遺命。不考鐘鼓。飯僧千衆。以代束楚。
瑤草仙都。蓮花淨土。惟意所如。爰得其所。

白石樵真稿

卷八

祭文

十四

祭陸平泉宮保

祭董中條

嗚呼。洛陽年少。賦弔湘纍。長吉嘔心。錦囊夜摧。古來文人。動罹茲禍。抉秘抽玄。真宰亦妬。區區一第。過眼浮名。君家故物。何至忌盈。厄丁陽九年。在龍蛇。天寶爲之。君其何嗟。勿謂無年。名在天祿。勿謂客死。魂依輦轂。大隧融融。見爾祖考。或壽而康。或文而夭。玉石俱燔。蕭蘭同擣。曷問彭殤。總歸幻杳。二三兄弟。燕市悲歌。白衣送襯。遠涉滹沱。不爲楚詞。而爲齊諧。冀君聞之。長嘯夜臺。

白石樵真稿

卷八

祭文

七

祭董仲條

祭朱封公

天錫名山。乃挺人豪。若麟聚趾。若鳳吐苞。揆厥所自。惟
嶽降神。原原本本。端繇先生。酣漱典墳。綦組雅道。引繩
而趨。畫地而蹈。辨折鹿角。名播鷄林。黃流玉瓚。竹箭南
金。牘滿公車。抱瑟而竽。郢曲寡和。亶數則奇。數奇且厄。
難以券得。勉就一官。聊爾雞肋。絳帳春風。青氈夜雪。古
有吏隱。何妨宦拙。高標獨行。本以逃名。有子令望。譽歸
先生。簪笏峩峩。恩綸奕奕。旋嚮而躬。俄報而德。床頭一
卷。花前一觴。鄉之祭酒。魯之靈光。旣臻五福。胡靳百齡。

白石樵真稿

卷八

祭文

十六

祭朱封公

載乘黃鵠。載游太清。南國上公。東方歲星。千古不復。白
雲亭亭。太常之政。脫穎練川。潔已養民。折節下賢。某辱
宇下。以施則先。遂附末光。道誼惓惓。數年以來。跡雖異
地。肝胆可合。手足奚啻。格外相期。國士見遇。豈直通家。
實列子弟。未及登堂。徒聞報計。若翁卽翁。胸臆摧挫。爰
摘溪毛。爰潔絮漿。臨風遡奠。雪涕沾裳。

祭張封公

落落宇宙心。膽罕同。唯都諫公事。予猶兄。爾壘爾麓。爾
商爾宮。嗟哉先生。若翁吾翁。敦禮蹈義。金精歛鏗。蟬蛻
塵氛。鴻冥丘壑。金之在壙。璧之在璞。能令少年立回淳。
篤能挽頽波。立返淳朴。至德未耀。厥後克昌。人倫麟鳳。
名世珪璋。直言勁節。青瑣名揚。天生聖明。推恩自出。綸
誥煌煌。錦堂曷奕。身被異寵。得之若驚。巾車恭履。恬若
平生。有鶴者髮。有鳩者杖。清醕長盈。名花相向。萬石家
風。羲皇以上。壽登八袞。捧觴侍養。黃竹紫芝。舞而賡唱。
白石樵真稿

卷八

祭文

十七

祭張封公

何期春風。遂掩蕙帳。嗚呼哀哉。先生家食。貌澤而吁。予
以子弟。時從起居。都諫言旋。顧我則咲。躬親歛含。天感
純孝。某因先生。追痛先君。匍匐閭里。莫展寸心。負罪曷
贖。予寧匪人。注奠一觴。不知所云。

祭唐抑所宮保代

追維闔茂之歲。公首是對。自茲而後。東壁文章。蘭臺著述。大者雲漢。小亦黼黻。旃屢疇咨。承華啓沃。且領宮寮。且貳宗伯。旣殫厥躬。且以人事三分餘照。以作人一開大冶。而造士蓋極人間之榮貴。窮詞林之盛事。而人尤咨咨惜公。操不見之功。而未顯其施。立有用之言。而未符其契。所尤恨者。三年東朝。不夙則夜。病不賜沐。勞不予假。淑問峩峩。社稷有藉。如海浴日。若星從月。日升海沉。月出星沒。將來歌龍蛇而莫報。求岩築而無憑。有鼎白石。樵真稿。卷八

祭文

十八

祭唐抑所宮保

不實。有梅未羹。則公二十年席榮履盛。不過虹光蜃彩。而何足以慰公於九原也。耶當公始進。予典試役。余之知公。則以平日第見公爲諸生時。响响讓言。循循讓步。好不旁錯。交不外驚。則以爲處子之守。面似削瓜。行類瘦鶴。時慵筆硯。長避觴酌。則以爲山澤之癯。迨公之登仕也。而朝譽日新。全歸十年耳之所聞。十倍于前有謂公雅志經時。于一切朝典世務。如如遊大郤。車驟熟路者。有謂公屬當大計。深居養晦。而苞苴遂屏於萬里之外者。有謂公綱繆親切。竟日咲熙。而自不敢干以私者。

此其爲處子乎。大人乎。山澤乎。廟堂乎。余無得而相焉。殆智員而行方。形弱而神旺者耶。今物望孚矣。夢卜夕下。乃一旦藏雷畜雨於名山大川之中。而余顧以無用之身。久留于天地。未補之過。轉望于後人。此余之所以戚然而長嘖也。

白石樵真稿

卷八

祭文

九

祭唐柳所官保

祭唐元徵宮保

嗚呼。人生何常。造物茫茫。廿年事業。一枕黃梁。總憶曩
昔。隨兄雁行。兄儗城南。桑戶葭牆。蘭入束薪。誰知國香。
貧有泰色。咀宮嚼商。寒醴濁酒。語必昏黃。相視而咲。富
貴無忘。剖玉三獻。人驚夜光。垂翅之翼。化爲鳳凰。錦衣
東歸。四牡乘黃。彼其之子。蒲伏道旁。名位愈灼。賓親滿
堂。觥籌咲語。爭道吉祥。顧而事我。凡色獨莊。我亦道義。
惟兄是匡。宮箴鄉譽。朝典國防。掀髯抵掌。狂生不狂。兄
謹謝教。書紳以藏。旁及片語。錄付奚囊。兄之重我。豈爲
文章。同心之言。各有攸當。兄有正氣。如三秋霜。兄有堅
守。如百鍊鋼。兄有冷面。惡員喜方。兄有熱腸。植弱鋤強。
兄照當空。魑魅潛藏。兄魄升天。野鬼跳梁。安危所繫。寧
獨故鄉。假兄相位。度必見長。正直忠厚。造福無疆。爲范
仲淹。爲司馬光。天胡不仁。殲此棟梁。

祭楊石閭太史

嗚呼。人孰無友。心知實難。寸心苟異。離合多端。外雖膠漆。內實沙搏。和合之土。終必破丸。唯我與兄。終始金蘭。當兄未遇。蠹死螢乾。公車載牘。屢罷春官。憔悴低迷。仰屋而嘆。餅罄纒耻。對客損歡。余時過從。慰爾歲寒。代兄教子。漿藿共餐。涕咲錯沓。徃徃夜闌。逮兄出貴。視草金鑿。故人千里。峩及羽翰。匡以道義。毋受世彈。兄謙謝教。書紳及輦。吏議鄉評。罕索垢瘢。兩人名龍。或飛或蟠。兄無我驕。我無兄干。鍾鼎山林。彼此俱安。病捐之際。彌覺盤桓。苦言藥石。余心先殫。猶冀神明。相予衰殘。何期別後。竟戢一棺。新堂未登。素幃改觀。氣象慘惡。道路沈瀾。余何人哉。痛殺心酸。

遥祭李思弦太守

惟侯言慈貌慈。心古行古。三月政成。奪我李父。卧轍攀車。以義得禍。借寇不能。樹碑道左。之子東來。如見明府。哲人云亡。自辰及午。今始知之。山川間阻。設位而哭。絮漿藿俎。萬姓傾哀。同余此苦。透骨清風。隨車甘雨。遺愛在民。侯或瞻汝。

白石樵真稿

卷八

祭文

十一

遥祭李思弦太守

祭沈侍御石樓

代梅臺

憶簪先朝。帝重翰墨。華亭二沈。入侍西掖。伯仲巨卿。
天寵駢錫。人得片楮。貴居拱璧。數傳及公。實世其澤。志
繩祖武。才高數厄。壯心無堅。飲羽沒鏑。卒以名儒。脫穎
通籍。拜官大行。飲冰嚙檠。駢駢四牡。每懷靡及。十年不
調。六月偶息。氣恬意銷。雅忘失得。望重資深。爲邦司直。
直道如弦。能補袞職。神羊觸邪。驄馬避跡。出視玉關。風
行電擊。墨吏胆寒。債帥股栗。帝難厥任。廷推屢格。借
重豫章。先聲碎易。衣繡鳴騶。光滿衢陌。何期中道。二豎
見迫。法星麗天。隕而爲石。風雪殘燈。凄其古驛。嗚呼。官
至侍御。退若逋客。仕宦念載。家徒四壁。兒矜半青。親顛
已白。數卷遺書。寸心捧檄。傷哉痛哉。山陽短笛。

白石樵真稿

卷八

祭文

三

祭沈侍御石樓

祭董宗伯文

嗚呼兄長不佞儒四歲少而執手長而隨肩函蓋相合
磁石相連八十餘歲毫無間言山林鍾鼎並峙人間管
也吾兄未登賢能之籍儒已脫屣于青山白雲之巔兄
不我迂我不兄羶戊子己丑科第蟬聯屢進屢退游書
畫禪神考拔之中秘光考列之講筵今皇帝擢
容臺以備顧問掌詹事而寓優閒上書告老腰玉歸田
正席八座之上疏恩三代之間兄之祿位備矣赤心耿
耿在臆黃髮皤皤滿顛馳驛三千里郡邑拜迎于車下
白石樵真稿

卷八

祭文

三十四

介觴千百歲親朋填噓于道邊兄之壽榮矣揮毫拂素
筆大如椽曄曄夏電簇簇春蚕四方借匱筆以衣食者
養妻子蓄金錢傳播于外夷絕域流通于廣廈細旃而
藩王中貴曾不得其數行之墨與半幅之箋兄之名光
矣大矣乎上公而進退不愆享上譽而福履不鏜躋上
壽而香山洛社直與不佞平分清風明月之權所未至
者宰相耳宰相如小兒繫鞋襪外雖可觀內實不快十
九壁碎十一瓦全而兄不然枚卜命下追鋒召之前席
問之錦而入縞而完素旌丹旒而旋哭別于春明門外

者。纍纍。滿長塗。大川而兄不然。璫祠穢天下。狼貝入冰
山之案。虜騎薄都城。倉皇辟烽火之煙。而兄不然。古之
遺命。或分賣香履于銅雀。或垂戒木石于平泉。爲達者
嫻笑。爲識者痛憐。而兄不然。兄亦何戀。兄亦何牽。祖京
年穉未婚。而婦翁如王太常者。夙聞其家範之端嚴。雖
子衿未青。而名師教之名兄輔之。豈難一博士弟子員。
賜卹。賜謚諒。朝廷必有耆舊。簪履之惓惓。而奚俟
子孫陳乞。與束帛之芟芟。道裝入木。道貌如仙。朝上
帝于九閭。謁祖宗于九原。其生也順。其歸也全。老友一

白石樵真稿

卷八

祭文

又十四

杯攀告几。筵高山流水。琴斷無弦。嗚呼痛哉。

祭某公

客歲乙未。再震者地。客冬木妖。火發神樹。占史狐疑。予
嘆且喟。邦人當之。其應先萃。俄報訃音。翁騎斗去。綺年
獵第。艾歲懸車。出有民譽。歸有道書。不琢不彫。若冲若
虛。憶簪高堂。子夜清輝。花籠步障。香印瓊瑜。灯光破玉。
客履連珠。公倚而咲。光映鬚眉。退賦百詠。以序屬余。公
之憐才。舉世無兩。氣誼彌敦。遂成世講。嶼嶼鵲冠。蕭蕭
鶴髦。樂哉東山。抑何軒爽。拂尾錦頭。幸隨俯仰。長公次
公。踔立人上。龍媒長嘶。獅絃絕响。草蟲之鳴。亦復見賞。

白石樵真稿

卷八

祭文

五

祭某公

嗣子授經。越水吳臺。公亦高卧。門掩蒼苔。鷄犬相聞。不
相往來。庶幾近之。彼此無猜。室邇人遠。跡跡心密。尚擬
龍門。載瞻鳳德。何天不弔。白日竟夕。落梅在庭。愁雲抱
城。風褰素幃。淡無春色。先慈棄予。公更捐客。生我知我。
一朝永隔。萬痛攻心。百憂刺骨。公有哲嗣。于霄六翮。願
予山癯。酌水何日。洒洒公前。彈淚欲碧。

祭潘浙厓

浩酒東溟。淑灝停泓。四公以生。於皇嘉隆。登明顯公。四公以庸。隆萬之間。貂珥蟬聯。四公以還。廊廟休休。石畫弘猷。公讓一籌。視躬廉慎。有忠必盡。公無少遜。越石楚金。不言躬行。無隕厥聲。乳酪酥醜。並爲世珠。亦佩華琚。鍾鳴鼎食。孝友雍穆。是謂萬石。拓落一官。半老湖山。是謂考槃。坐而履豐。沒而哀榮。是謂考終。以祀于鄉。以範于邦。以歸于藏。泉臺之上。三光無恙。想見揖讓。落日晶晶。悲風冥冥。公其居歆。

白石樵真稿

卷八

祭文

三六

祭潘浙厓

祭袁微之

嗟哉世不識兄。沒而獻朝。我同知心。反哭爲謠。兄本丈夫。氣誼甚豪。明神竹素。瞪目雲霄。旣綜經術。旁擅風騷。咲掇一第。如劒吹毛。胡期數奇。造物汝驕。感憤用壯。破其寂寥。脫身俠游。紅樓素綃。更走塞下。控馬射鵰。千金番盡。寸胆難消。肯視妻孥。米鹽細瑣。肯向市兒。足起眉嫵。肯握牙籌。賤同土賈。肯挾虫編。敗如降虜。日月朝三。乾坤格五。誰蛇誰龍。誰鼠誰虎。殤子彭錢。等於破釜。正寢旅魂。終歸客土。兄本達人。且醉清醕。未了之事。有兒能補。

白石樵真稿

卷八

祭文

三七

祭袁微之

祭歸季思

嗚呼季思。初聞君名。疑鬼疑仙。繼得君實。可聖可賢。讀君之文。煩憂以湔。挹君之度。鄙吝盡捐。如空中雲。如澗底泉。雲歸無痕。旣妍以靜。水流無聲。旣甘且冷。依依若親。黯黯若避。不衣自煖。不酒亦醉。一試公車。再傳童子。未能免俗。聊復爾爾。葬母以還。遂與世絕。木榻一匡。蘆絮百結。紙窻呼風。圭竇捲雪。囊無剩錢。壤無遺蔬。案無退筆。皮無藏書。兀然一身。神明與居。誰應門者。長鬚裹頭。人謂君苦。君神休休。人謂君矯。君行油油。所資旣廉。自石樵真稿

卷八

祭文

二十八

祭歸季思

致用弗酬。斯人斯命。天也曷仇。念此人世。顛倒五濁。犬豕。豺。啗。骨。螻。蚋。競。肉。誰。策。龜。靈。實。搞。蟬。腹。迎。風。而。蛻。永。謝。世。福。清。虛。之。府。別。有。綿。邈。

祭吳江沈母

百川東折。滙爲太湖。誕生邦媛。女而丈夫。曰嬪德門。令儀孔多。聞鷄薦蘋。繫馬刈芻。鬼神維歆。賓客則那。閨門之內。履爰蹈矩。嘻嘻不聞。穆穆風軌。澤及衿裾。物勤筐篚。敬爾司箴。用對女史。國香入夢。文胤代昌。丹穴哺雛。鳳鳴鏘鏘。伯也主爵。啓事有章。仲也秉鐸。士罕留良。叔也執爨。衛我封疆。文武畫繡。雁序一堂。珈冕琉珠。帝寵未央。望雲陟屺。相繼懸車。花明石暗。二子扶輿。飛絲奏肉。駐爾春輝。彼居巷者。寧無忍而。方夢咏麟。俄驚賦鵬。

白石樵真稿

卷八

祭文

三九

祭吳江沈母

宗媼隣姬。走而聚哭。我遡徽音。嘆母不復。鱸炙孔尊。酒初綠。酬酒吳江。殘楓漠漠。

祭常熟趙叔度

嗚呼。曩兄期我。信信宿宿。何以留連。虞山之麓。何以供養。香清茶熟。爾時書院。冠蓋雲逐。我謝令君。退守空谷。今乘素車。乃拊兄哭。遺言在耳。遺容在目。松影泉聲。傷心感觸。嗚呼痛哉。余憶庚子。授經瑯琊。兄亦避誼。寄迹外家。一見驩然。兩心則遐。我實兄瑜。兄不我瑕。始而論文。賞嘆靡已。深造之言。心精詞綺。嚼徵含商。飲羽沒矢。吐涕咲談。可拾青紫。旣而論事。如石投水。抵掌古今。洞徹骨髓。屈指交游。推見清穢。奇岸磊珂。偉哉男子。久而白石樵真稿。卷八。祭文。三十一。祭常熟趙叔度。

論心幾忘爾。汝爲人急難。靡憚風雨。泣血相明。義格神鬼。惠鼎布諾。懸於片語。吳閶客歲。夜談扁舟。鐘殘霜冷。兄不得留。豈期此別。遂訣千秋。嗚呼傷哉。人生實浮。恭惟少宰。手摩豸虎。投荒召還。有讒。帝所忠憤。填胷百無。一吐未了之事。待兄而補。何天奪之。氣竭三鼓。猶賴伯季。振其遺餘。衛寡及孤。泣血漣如。城有故廬。篋有藏書。清白家風。直惟菑畬。嗚呼傷哉。乾坤草露。勲業荷珠。古來賢聖。誰其久居。况此末世。對面九疑。煎若鼎沸。戰若劫棋。皤皤黃髮。蒿目攢眉。疇如兄哉。神馬尻輿。

祭王元美大司寇

我明揆夷。頓還二曜。獨於文章。殘氛未掃。奈何崛起。全力芟夷。譬之勝廣。斬木揭旗。以待龍隼。非公其誰。公與于鱗。焚舟而濟。初爲敵國。晚難兄弟。公之虛左。亦有深意。以大事小。菜羹必祭。侍玉皇案。遂稱黃冠。公不黃冠。胡寧不仙。遊金馬門。遂稱司寇。公不司寇。胡寧不朽。出亦無意。處亦無心。若空嘯風。若山吐雲。至人之迹。孰得而尋。儒者治外。二氏治內。彌縫其間。兀然一醉。香山子瞻。差足聯類。香山老矣。猶恨無兒。公之家庭。玉樹參差。

白石樵真稿

卷八

祭文

三十一

祭王元美大司寇

子瞻半生頭白窮海公擁弇州得大自在斯文行世大不可量地峙五岳天揭三光施及重譯以暨梯航家傳戶誦公亡不亡采蘋采藻稽首中堂公乎歸來來自帝鄉。

祭徐文貞公

相公之生。騎日御月。鞭雷策霆。前翼後衛。下離天門。相公之度。春風孕和。冬月遜溫。未琢者璞。不雕者金。相公之學。飲流酌源。披華茹英。洙泗之壇。濂洛之庭。相公之文。吐納雲霞。杼柚星辰。金匱丹書。石函洞經。相公之心。繫九廟。德莫三靈。龍袞補闕。麟閣繪形。相公之子。鳴鸞佩玉。綰紱垂纓。三槐奕葉。五桂繽紛。相公之孫。卷舒白雪。翱翔青雲。繩爾祖武。世其家聲。相公之歸。鄴架圖書。洛社栗樽。巍矣國寶。卓然鄉評。相公之壽。豹文愈白。石樵真稿。卷八

祭文

三十一

祭徐文貞公

變。雀算彌尊。黃封紫諾。飛錫玉京。何不昊天。億萬其齡。爰揮羽翰。爰曳霓旌。躬返赤霄。神遊紫清。天地震悼。神人涕零。林木若號。禽鳥欲鳴。某也宮牆私淑。几杖親承。摠衣梓邑。憑軾棠陰。覲乃聖矩。剽其德音。揭日而示。莫喻其明。懸河而流。孰究其深。拜謝公教。敬以書紳。玉山既倒。氷谷無春。感深國士。淚洒詰人。澗毛匪茹。江尊可敬。酌此清酒。奠於歲星。

祭韓懷愚給諫

古人定交。厥多古道。得一端人。告於禰廟。余與求仲。誼亦非淺。拜父登堂。未敘斯典。曩翁八十。容徵壽詞。余言不腆。以佐酒卮。公醉點首。是實知我。隱德苦心。得子而吐。知公何如。爲吏而循。有三不忍。格於鬼神。不忍屈法。以戍罪人。不忍曲筆。以汗正人。不忍黷武。以殲猛人。善積慶餘。聲聞帝座。求仲兩元。職斯之故。賀者在門。公遜不驕。姤者入朝。公咲不咷。時駕鹿車。時撥魚舳。花香月白。水滙山凹。事久天定。公論洞燭。青蠅之矢。棄玷拱玉。

白石樵真稿

卷八

祭文

三十三

祭韓懷愚給諫

玉有定價。玦化爲環。環賜在邇。翁去何遙。吳興素封。謂翁也。甲檢點遺貲。竟橐槁葉。生畏人知。歿乃見廉。凡百君子。無信人言。我是酌翁。莫敢筐篚。清白比德。一杯茗水。

祭顧仲庵司馬

嗚呼將相公侯。草腐葉零。伊誰七尺。繫國重輕。於鑠顧公。實惟干城。九重毗倚。四夷知名。目若閃曜。貌若天神。高談雄辨。能驚四隣。沉謀英槩。能奪萬人。聲色不動。嘿殲浙軍。公曰肖甫。有張中丞。七子詞場。跳跋縱橫。公曰。弇州有王先生。建節遼陽。談咲胡塵。半臂不動。斗極長尊。經略朝鮮。肅清海氛。後事之師。以付諸君。鼓刀而藏。口不言兵。帝則咨汝。無踰老臣。爲馬端肅。爲王文成。天何奪之。失此巨星。其本布衣。耻謁公卿。公乃先施。手札相聞。生死一面。終負幽冥。嗚呼哀哉。誰能如公。應敵設變。指揮若神。誰能如公。胡雛異種。廝養家庭。誰能如公。財帛糞土。分賑親朋。誰能如公。位登制府。產謝中人。功德則偉。食報未盈。以嗣以續。端藉二卿。

祭王罔伯吏部

今海內屈指世家曰瑯琊。文苑曰弇州。而前未有擢解額者。自兄始。未有官吏部者。自兄始。兄非特不愧科名。而抑亦不愧司馬公之孫。與司寇公之子。節俠填胸。交情透髓。片言懸合。則頸可刎。肺可揭。傾蓋而遂。稱知己。若其不然。則露齧戟指。不能少忍。如下坂之丸。脫弦之矢。蓋習兄者。信其無他。而驟接者。疑其一意孤行。而無侶。故甫登要津。遂放黜於田里。人望益歸。三召尚墜。若幸而咫尺之命下。兄必拔茅連茹。進群龍而駢狐鼠。胡天不造。遽奪之紀。朝野皆嘆。兄惜兄。而不知兄之瀕於死者數矣。昔在儀部。爲東朝爭冠婚。爭冊立。幾欲滅血闕下。以成希世之舉。兄激欲死。妖書之禍。斷腹腕而履虎尾。兄怖欲死。恩遣爲民。短衣蠶帽。策蹇驢而同窮旅。一飯數驚。一夕數徙。兄愁欲死。同心諸賢。連雞不飛。寒蟬不鳴。而皆圍圉馬蝥。伏於蓬蓰。兄憤欲死。欲死不灰。而今且死。吾不意兄之壽遂止於此。臚腹益背。帶腰不移。聲洪而狀偉。可以不死。經營乎花木臺榭。旁及於鼎彝圖史。心敞而志得。可以不死。小物克勤。壯心未已。

高談生風。落筆散綺。神王而氣揚。可以不死。可以不死。而死。吾不意。兄之壽遂止於此。魏夫人未入土。兄不當死。李安人未卜壤。兄不當死。弱女未嫁。託孤之子未婚。兄不當死。性負剛氣。多皎皎而錚錚。腰無媚骨。耻諾諾而唯唯。天下想望兄之出。以扶正類。以定國是。兄不當死。不當死而死。吾不意。兄之壽遂止於此。嗚呼。豈所謂慶弔相伏。盛衰相倚。豐其枝者弱其幹。與其角者缺其齒者乎。幸而有子丈夫。直腸快語。以赤手治喪。以苦心事母。交廣則金湯有人。族大則鼎鑪有耳。舍飴則家有

白石樵真稿

卷八

祭文

三六

祭王阿伯東節

芝蘭典棘。則門多桃李。何目不瞑。何事不理。兄亦宜長嘯於九原。而追隨乎二美。况長安如奕棋。人生如傀儡。何愁何怨。何嗔何喜。何彭何殤。何仙何鬼。又何必紛紛於是非之蕉鹿。戀戀於功名之槐蟻。請浮白大笑而隱几。生平之交。盡於一詠。

祭袁非之太學

維我非之。可友可師。生若故常。歿乃繫思。少紓父難。饋斯彙斯。羊腸虎口。奉全以歸。晚錄父集。朝斯夕斯。蛛絲蠹腹。卒全以遺。新安新建。爲公祭酒。方拜三公。書不走元徵。開之爲公社友。旣歸九原。時挂其口。公節而俠。公正而厚。公狷而狂。公孝而友。才高不售。數奇不偶。十上公車。人涉叩否。乃課菑畬。乃投山藪。較雨量晴。占河望斗。凡君所至。無問鄉城。老稚攢匝。側耳以聽。望而知之。必袁先生。以公之雄入對。九重借箸。畫筭必移。

白石樵真稿

卷八

祭文

三七

祭袁非之太學

聖聰以公之餘。出使虜幃。口折舌擊。必申國威。公時則非。公人則是。州郡之職。未獲少試。公不問天。天則公耻。其生也奇。爲天下士。其夢也奇。爲閭老子。客歲之言。今猶在耳。不遇何悲。不永何畏。公乎有靈。許我一醉。

祭郁伯承太學

四月艤棹。石湖樹杪。得君衆中。喜出意表。揮手別去。各
自山行。明發遇君。支硎太平。君鬢着霜。我髮如雪。感嘆
踟躕。向晚難別。誰料此時。遂成永訣。嗚呼痛哉。世孰如
君。夔夔事親。築肉掩豆。製采重裯。世孰如君。友于兄弟。
去必分甘。來必設體。世孰如君。性癖異書。抄寫護藏。若
寶璠璣。世孰如君。好客不倦。投轄傾釀。挫產靡怨。世孰
如君。赴義如歸。柳鼎魯矢。人賴解圍。世孰如君。多聞直
諒。片語違心。眼裂鬚向。初受君者。似亦難堪。久而有味。
白石樵真稿

卷八

祭文

三六

祭郁伯承太學

若蔗爲其勁。而靡他。若松耐寒。時露風流中。多檢押。高
談善噉。無一死法。胡疾而逝。星飛電霎。曾不待箒。劉不
待鍾。嗚呼痛哉。浮生若寄。修短何常。君本達人。長嘯帝
鄉。吾不釋者。知已難忘。誰護我短。誰容我狂。誰定我文。
誰聯我床。久要之語。竟委道旁。靈兮歸來。歆此盈觴。酸
風。美笛。腸斷山陽。

祭包儀甫門生

吾於病中。此聞子訃。浪傳得真。搥床幾破。痛絕心肝。酸
淚無數。瘡疾轉篤。三月僵卧。哭子遲遲。職此之故。吾昔
與子。蓋有三願。願子元魁。子取如秀。願子廉吏。子甘蔬
飯。願子名臣。子官鐵漢。循良之譽。自楚遠來。意子考選。
非省則臺。子視功名。如風中埃。子視權貴。如灶下孩。豈
惜正言。聞闔可排。豈惜任怨。車輪可埋。進能致身。退能
乞骸。用物甚約。天子裁與。世靡競衆。不子猜何。期中
道摧。天下才容。魂旅櫬。朝野纏哀。嗚呼痛哉。昔與子別。
白石樵真稿

卷八

祭文

三九

祭包儀甫門生

握手虎丘。三湘一去。僅托書郵。子祝我隱。齒剛舌柔。我
祝子出寧。絃無鈞愛。惜景光爲千秋。謀反窮性命爲二
氏游。咲指青山。相期白頭。白頭未終。黃梁已熟。咲乃轉
涕。老反少哭。九闈安知。百身莫贖。子弟實佳。子當瞑目。
包氏有人。堪繼孝肅。

祭楊淇園侍御

我公居鄉則淡泊寧靜。立朝則忠厚正直。臺中呼爲真御史。吳下推爲真導師。急流勇退於璫礫之先。講學談道於湖山之下。出處無玷。心跡雙清。吾無間然矣。頃者聖主乘乾。明時開泰。識者方將推文章之宿老。禮樂之明卿。以展八面之經綸。以備九重之顧問。而不意脫屣辭世。騎箕上天。寧獨鄉邦之不幸。亦朝野士林之不幸也。若某之痛心。則有更進是者。其本小人。未聞大道。公於巡方之日。特疏荐揚。願其連坐。幸而留章不下。白石樵真稿

卷八

祭文

四

祭楊淇園侍御

某亦得逭餘生。不然且將披髮南山之南。北山之北矣。自來天道忌盈。人情責備。忽以不急之事。加於至不才之鄙儒。衆目睽睽。胡可掩也。衆口叻叻。胡可扞也。無過之獲。謂之禍。無實之名。謂之盜。公推轂過情。某獨不慙。欲死。懼欲死乎。數年以來。公與某踪跡甚踈。而洞察本懷甚悉。嘗謂董思老云。今而後。知眉公絕意進取。無所緣飾。白駒不可繫。黃鵠不可馴也。至是公稱真知己。而某亦不屑以感恩待公矣。昔者徐孺子嘗謝太尉黃瓊之辟。瓊卒。孺子負粮徒步走江南。爰雞絮酒。設薄祭而

去。崔。司。徒。欲。屈。陸。夸。投。詔。書。於。夸。懷。中。夸。不。顧。崔。卒。夸。素。服。受。鄉。人。弔。唁。此。非。古。人。報。知。已。之。已。事。乎。某。今。者。開。門。受。弔。雖。未。能。遠。同。睦。叟。而。炙。鷄。絮。酒。亦。庶。幾。不。愧。南。州。自。今。以。始。惟。有。被。濯。餘。生。保。全。末。路。無。以。國。士。負。公。無。以。知。人。累。公。此。某。之。終。日。若。惕。永。矢。勿。諼。者。也。公。如。有。靈。其。式。鑒。之。

白石樵真稿

卷八

祭文

四

祭楊淇園侍御

祭陳滄海觀察

往公春秋七十八。余操文而祝之曰。如元城不通政。府之書澹臺不溷子游之室。公以竹素堂集徵敘。余操文而敘之曰。公三鼓而氣不衰。百戰而鬪尤力。老筆紛披。如歷德順。憲穆敬文武七帝之劉夢得。公咲以余爲知言。而余亦自附於通家知己之藉。其未盡公者。公能散千金。活溝中瘠。公能掉三寸。解里中厄。公能急窮交。解衣推食。公能引後進。倒屣設席。公能傾北海尊。公能延南州客。門停米家之船。園卧到公之石。載詠載觴。匪白石樵真稿。卷八。祭文。四十一。祭陳滄海觀察。

朝伊夕。其氣則萬人必往。其介則三公不易。雖是非太分明。賢愚太揀擇。口不諱雖黃。眼不移青白。而實則皎皎錚錚。使纖鄙爲之汗顏。暗韋因之有骨。其抑古之鐵漢。而邦之司直乎。公之存也。可以砥末路之風波。公之沒也。反以叢不情之鋒鏑。更何怪乎毀巢之梟。與同舟之敵。孝子孤兒。憂心戚戚。尚其相之以保元吉。天定勝人。終成完璧。

祭殷方叔

古者六十不越疆。予我來哭公。厥惟同調。憶昔丁酉。授
經秀州。如蘭之交。渺焉寡儔。側聞高賢。曰殷方叔。栖寄
西郊。揭裘草屋。杖策訪之。讀靈光賦。爛然天真。居然德
素。既得其父。復得其子。父子挑燈。丹鉛經史。隱德升聞。
多長者車。生皆立傳。登邑志書。遠近男女。延以視疾。窮
巷陋居。偃僂以入。沉疴立起。清譽益章。肅之賓筵。祭酒
於鄉。溫溫恭士。謙謙吉人。身名俱泰。洽比其隣。友愛諸
季。孝養太公。諏日卜壤。窆之玄宮。是咨是謀。則惟我卽。

白石樵真稿

卷八

祭文

四三

祭殷方叔

公醉我山。我醉公室。折俎什尊。累日及夜。忽別三年。公
作逝者。嗚呼哀哉。伯承郁子。號貧孟嘗。二三兄弟。畢集
草堂。郁旣蚤世。子復繼之。落落辰星。元雅絃師。叔祥懿
親。南北各半。觴咏之會。幾不可晤。我亦老矣。齒豁頭童。
袖手炙背。爲圃爲農。死非不朽。生亦何適。得全全昌。公
實罕匹。亦已焉哉。歆此一滴。

祭包心章

我之文兄。繇兄大夫。忘年忘分。小兒見呼。兄遂買棹。訪我菰蘆。人生之樂。莫樂新知。兄之知我。非止文詞。親之所愛。兄亦愛之。從此與兄。咲而莫逆。兩無愧心。亦無愧色。歲寒之盟。庶幾無斁。何期須臾。奪以暴疾。考鐘鳴鼓。叩神露禱。不獲所請。中道而夭。人孰無死。兄死何早。人孰無死。兄死於孝。兄乎足矣。夫復奚悼。所可痛者。兄有遺書塵積。滿床所可念者。兄有遺胤影乎空堂。性喜義俠。解紛息爭。誰如兄者。爲俗干城。性喜好施。賑孤恤寡。

白石樵真稿

卷八

祭文

四

祭包心章

誰如兄者。爲人外府。以兄之器芙蓉寶鐔。千金未售。神銷光落。以兄之才。桃花寶騎。千里未馳。髯枯纓墜。容歲仲秋。落羽南旋。我來憫兄。手跡一編。歎息不遇。壯士無顏。我心許兄。梓之以傳。剗甫就。竟焚柩前。嗚呼哀哉。兄旣先逝。長躡復歿。朋好幾何。零落殆絕。譬彼中天。曉雲殘月。感念君子。百憂中結。

祭何太老師

相彼時雨。膏沐人寰。孰隆施是。雲出名山。相彼流泉。以灌以漑。孰委輸是。源從大海。吾儕小子。事師有年。孰開先是。教本家傳。於穆先生。心古行古。吾師得之。性稟鄒魯。畫地而蹈。循牆而行。吾師得之。温温恭人。早擅一經。晚酣六籍。吾師得之。鵲起鶴立。誼敦老友。澤急窮親。吾師得之。熱腸如焚。无妄笑言。無輕臧否。吾師得之。黃中通理。不設城府。不立藩籬。吾師得之。光明坦夷。獨秉直心。邁種隱德。吾師得之。以冒世澤。世澤方滋。草木始芽。良果垂實。克大厥家。惟師與仲。爰及各孫。五色鳳彩。千里龍文。花照金罍。月籠玉樹。舞袖翩翩。式歌既醉。爲曾靈光。爲鄉祭酒。樂哉未央。百歲非久。何爲忽忽。日迫崦嵫。匝腸攻骨。哀絕吾師。凡吾及門。淵源道重。後時舉觴。恐觸師痛。荒日淡淡。寒風綏綏。酸涕入地。靈兮來歸。載翁載叢。彷彿舉帷。紙錢不散。通信葭灰。

祭學憲包瑞溪

嗚呼吾公。竟至此耶。悠悠人世。其足恃耶。憶昨客冬。別
公言歸。徘徊中庭。霜月滿衣。問余來馭。燈以爲期。十三
之日。猶勤手書。何知計音。旋起須臾。何知永訣。乃在河
湄。嗚呼哀哉。知公如此恨。不當時抵掌促膝。知公如此
恨。不在坐嘔心盡。出知公如此恨。不同遊青山白石。知
公如此恨。不徵歡朱絃錦瑟。知公如此恨。不逍遙扁舟
竟日。知公如此恨。不咲談清燈彌夕。嗚呼德無全福。仁
無全壽。賓黨驚疑。余哀獨疚。孰如吾公忘年而友。孰如
白石樵真稿

卷八

祭文

四六

祭學憲包瑞溪

吾公忘形而久孰如吾公。知余不苟孰如吾公。望余不
朽家人國士。知己感恩。乾坤落落罕見此人。鍾期絕調。
鮑叔孤坟。一腔血熱。千行淚零。何以報之。儼日寸心。實
聞斯言。賢子若孫。其以微忱。告諸恭人。

祭孟澤夫

嗚呼。藏舟於壑。孰之能守。夜半有力。負之而走。所負伊何。澤夫分手。訣絕以來。日四十九。憶昔好古。縱討二酉。憶昔酒後。烏烏擊缶。憶昔搯觶。肝腸欲嘔。憶昔附義。五內可剖。憶昔談禪。若獅子吼。憶昔窮玄。若猶龍叟。憶昔賑施。心必應口。憶昔論交。要必白首。請事斯語。昔者吾友。何期今日。柳生於肘。賦作子虛。化爲烏有。以奠以泣。澤夫知否。君而有知。見我一觴。其忍舉之。君而無知。卽此一觴。酬亦何爲。我將求君於延益堂。素帷朱旒。空爾白石樵真稿。卷八。祭文。四七。祭孟澤夫。

翁張我將求君老親之側但聞悲鳴不見其迹我將求君谷水西園野鳥哀啼桃李不言我將求君金陵白門六朝絃管嘯歌無人嗚呼哀哉君竟何去上下求之黯然天地徒有遺書蠹魚章句徒有遺胤雪涕如雨嗚呼澤夫而今已矣

祭黃貞父學憲

六橋三竺。辟若園池。不有主人。孰領略之。平泉。輞川。非粉則脂。公於湖山。狎若綈綦。一壺濁酒。三百枯棋。風花雪月。日日有期。客來公出。公去客隨。名僧揮麈。名士執箕。琴簫。画舫。間擁臯比。生斯長斯。歌哭於斯。宦路難平。夸者自陷。炎炎易水。切切易縵。雖有濃羶。不如簡淡。幸公當時。不爲臺諫。南曹建禮。西北秉憲。徐步周行。自收竹箭。桃李不言。蹊成自見。良玉耐焚。純金耐鍊。長嘯歸來。烟雲滿面。福者洞天。靜者得占。繡虎文昂。換羊書賺。白石樵真稿

卷八

祭文

四八

祭黃貞父學憲

弘獎風流。在其月旦。紛紛世局。屢戰玄黃。公也旁觀。獨濯滄浪。不知田竇。曷問金張。鷗閒鶴懶。鷓峙鴻翔。憂時有泪。江湖忍忘。勿弔張讓。何損和光。勿記南園。始遂清強。斂還正氣。歸之浩蒼。荏苒改歲。公在蓮鄉。有劍未挂。有絮未將。素交之誼。老泪千行。其泪伊何。凍爲雪霜。孤山梅畔。欣我一觴。

祭徐孟孺

世有良驥實惟龍驤。乃不騁乎康莊。世有俊才實惟棟梁。乃不構乎明堂。世有隱君木之豫章。馬之飛黃。乃不遇乎匠石之與孫陽。漢有孺子魏有偉長。合二子以並駕。蜚清名于四方。如鵲之起於菝蘆。如鳳之鳴於高岡。如天半朱霞之掩映。如雲中白雀之騫翔。何期黃絹。竟秘青箱。少有志於金馬。晚闇然而豹霧。黛眉如月入室。見妬操琴吹竽。數奇蹇步。畏風塵若含沙。不敢厝足於當路。慨雞豚之不逮。其結廬以永錮。泌水衡門。焚香高枕。偶寄興於蠹編。終下捷而燕寢。方聞龍卧。忽驚蟬蛻。騎箕尾而上征。望玄扉而策轡。何二豎之不遷。極三尺之永崇。通德之門。雪消蘭蕙。高隱之廬。雨埋蓬蒿。瞻仰清風。孰之可繼。方千旌之在郊。乃溘焉而仙去。用君家法。生芻陳祭。眷言哲人。臨風結涕。

白石樵真稿

卷八

祭文

四九

祭徐孟孺

祭王和石代

震澤之脉。蜿蜒而東。滙爲婁水。靈秀所鍾。譬如大川。必
生蛟龍。蟠結人文。聿生次公。公與吾師。兄弟師友。節義
文章。千秋無偶。金溪二陸。眉山兩蘇。求之古人。庶幾其
徒。立幟麟經。聯鑣雁翼。蕙吐蘭芬。金相玉質。含香儀部。
握鑑銓曹。斗山愈重。月旦靡逃。視學中州。清標外著。桃
李無言。菁莪有譽。忽思初服。遽爾懸車。載壘載篋。其樂
何如。君子道長。尺一屢下。縉紳拭目。行不俟駕。公乃家
食。堅卧如前。雙枝玉樹。旖旎當筵。甫抱神駒。遽殤國寶。
白石樵真稿

卷八

祭文

五十

祭王和石

公亦隨殞。徽音俱杳。嗚呼。樂天伯道。莫恨無兒。夜臺女
子。猶及見之。名位壽考。莫恨早嗇。封樹鬱然而寢。孔碩
白楊。瑟瑟黃日。荒荒送客如雲。幸舉一觴。

祭王太夫人

嗚呼。衆人之母。賢不出里。宰相之母。至聞人主。若賈黃
中。召母禁庭。賦詩賜坐。頒賚頻仍。若張齊顏。母亦八十。
手詔存問。帝歎福德。我嘗以此。壽太夫人。詎子相公。真
社稷臣。金張絕援。丙魏同心。外朝減樂。暮餽却金。無令
養名。而各借名。務渙小群。而成大群。婉調衆心。曲回睿
聽。陰霾忽開。斗柄期正。飄然拂衣。假給歸省。公謂東山。
可以長請。家席未煖。使者屢宣。首柄國枋。召對御前。
天光下霽。喜動聖顏。扶母遠來。忠孝兩全。溫諭如此。

白石樵真稿

卷八

祭文

五

祭王太夫人

恩寵爲極。賈張二母。瞠乎莫及。相公感奮。繼之以泣。羽
翼帝儲。旋乾夾日。言路肅清。邊海寧一。功成脫屣。謙
著循牆。板輿東旋。爲樂未央。何期婺宿。中夜無光。公稟
孺慕。搥拊欲傷。嗚呼。有子名相。有孫列仙。若太夫人。可
以解顏。辰玉名行。卓爾千古。若太夫人。而氣亦吐。誰無
百年。或計長安。素帷丹旒。山霧江湍。凌競雜沓。千里間
關。惟太夫人。而寢孔耳。又若潤州。忽避百憂。熾炎下灼。
石折金流。如問水濱。而駕膠舟。惟太夫人。樂哉首丘。某
等。世忝通家。國士見齒。聞母之喪。哀不能已。絮酒家風。

有徐孺子梅花一枝以代湘芷。

白石樵真稿

卷八

祭文

五

祭王太夫人



祭王文肅元配朱夫人

兩宮弼教。南國化覃。夫人叶運。德耦太原。慈聖上賓。
驂侍列仙。夫人攀馭。溘然人間。婦以夫貴。則惟相君。寵
以綸音。火藻龍文。毋以子賢。則惟辰玉。天半朱霞。雲
中白鵠。毋以女親。則惟曇真。環佩珊珊。麗於家庭。事靡
專制。或贊或規。誕彌吉祥。爲仙爲儒。五疇萃止。四德攸
宜。生榮死哀。夫亦何悲。余所悲者。辰玉至性。三婦早亡。
未展溫清。弃捐諸孫。勞毋動定。若蜂繭其。若燕哺雛。恩
斯勤斯。憂心孔多。上相之家。菽水非孝。辰玉北征。洒淚
白石樵真稿 卷八

祭文

卷八

祭王文肅朱夫人

就道言念病毋。心動肉跳。秣馬脂車。以憫倚閭。跪而問
毋。支枕月餘。朝掖暮撫。計出靡所。願謁上帝。爲厲殺我。
請代不從。奄爾下土。嗚呼痛哉。辰玉寡交。久而睨余。十
年之間。蚤蚤距虛。予之所愛。毋亦愛之。遺言如在。餘德
可思。昔與辰玉。細語夜央。燭花欲盡。筐果頻將。夫人傳
命。言多舌枯。雞旣鳴矣。早寢則那。昔與辰玉。讀書支劍。
仰卧松影。俯漱泉聲。夫人傳命。山風易寒。尚慎旃哉。重
裕加餐。聞余至門。醴酒盈尊。聞余還里。夙戒行李。拜別
非久。騎箕西歸。今來堂上。風戰空幃。痛我先慈。忽先朝

露辰玉繼之亦遭大故。兩人同心命亦同度。生何不辰。並此摧挫。辰玉賢者永耀九泉。維余孺子報母何年。泣奠一卮。閔默無言。

白石樵真稿

卷八

祭文

五

祭王文廟朱夫人

祭郁太夫人

古人定交。如子姓行。擔簦千里。拜母登堂。維太夫人。若
母猶母。不及捧觴。竟陳絮酒。嗚呼哀哉。吾哭夫人。微獨
闡德。有厥孫子。爲余金石。氣誼節俠。干五色雲。才鋒韜
略。空千里羣。初以風雅。頗稱同調。旣披腹素。習母陰教。
聞鳩治績。雞鳴荐蘋。相彼君子。循吏儒林。秉禮蹈義。肅
如朝典。有藪貽孫。瓜瓞斯衍。燕謀奕奕。雀髮蕭蕭。安期
之棗。金母之桃。何不百歲。或歌或醉。鸞鵠未來。蚪車忽
御。白雲謠冷。黃竹歌沉。迷離殘雪。慘淡孤燈。嗚呼哀哉。

白石樵真稿

卷八

祭文

五五

祭郁太夫人

齒踰八旬。不爲不壽。身閱四世。不爲不久。玉樹琅玕。參
差戶牖。况其長子。尤稱不朽。母目已瞑。母寢已甘。桂花
在。几。明月在。簾。蒼顏老骨。清香滿天。

祭徐母王孺人

水必有本。水必有源。不知其母。請視子賢。伊子云何。經
明行修。衡門泌水。耻于諸侯。有雀在羅。有駒在谷。孺人
曰。足生子不辱。有羞匪甌。有衣匪斑。孺人曰。安食旨且
甘。嗟彼縉紳。鬚眉楚楚。與貧賤仇。如撼猛虎。豈意孺人
而氣。則吐豈意。今人而心。則古風。雨機絲雪。霜燈火。髮
若飛蓬。心無茶苦。方將令儀。指不再數。黔婁之妻。和靖
之母。採西山薇。僅堪一豆。酌南山酒。僅堪一斗。跪而進
之。爲孺人壽。何不百年。柳生於肘。青鳥西歸。白雲東走。
白石樵真稿

卷八

祭文

五六

祭徐母王孺人

在南岳頭。在瑤池口。某與之子。嘔肝露腸。宜如昔人。拜
母登堂。乃從計後。竟莫空觴。唱薤葉歌。爇栢子香。靈輿
可招。來格洋洋。

祭王母魏夫人

我思古人。交不易得。一言千秋。比於金石。拜毋登堂。起居而息。其於諸君。誼亦匪淺。布衣之交。未敘斯典。然聞徽音。母實賢媛。惟莊渠公。名德令聞。而我淑人。爲其女孫。惟琅瑯公。列仙文伯。而我淑人。爲其元匹。能以鵲巢。贊助羔羊。坤厚載物。元吉黃裳。再以樛木。弘衍爪蹏。庭下參差。蘭芬玉苗。世祿之家。鮮克有禮。而主蘋蘩。惟筐及笥。庶人之婦。賢不出里。而德升聞。綸書至止。剡薦給客。挑燈課兒。視子猶子。恩斯勤斯。駕部長君。上書請

白石樵真稿

卷八

祭文

五七

祭王母魏夫人

告。非擬冥鴻。志在烏鳥。婆婆綵服。逍遙板輿。爲樂未央。遠爾言歸。嗚呼痛哉。某眷仲春。先慈見背。鷄骨半枯。鶻啼盡淚。今聞計音。感動五內。進謁几筵。泣無乾地。凍雲不解。春暉已斜。紙錢戰風寒。掠窗紗。靈帷翕張。遠耶近耶。孺子酒薄。侑以梅花。

祭顧太君

余讀家人卦而有感也。曰：閑有家，曰：嘒嘒終吉。夫閭範無事，他奇一嚴，重足以盡之，而後世明粧，袷服好爲艷，翔視嫖語，好爲佻寶，車画船好爲冶游，以一輕而失百重，勢不可復反，始則識者嘆，繼則咲已，則里婦習爲故常，甚且慕而效之矣。如顧太君者，千萬姓而不一覲也。太君繇吳江鄒氏，曰：嬪清宇公，清宇方以素封，豪江東而太君節衣約食，彬彬以恭儉德，素先之自少及老，不聽家樂，不窺家園，不御樓船，不登山入廟，爲結隊踏堤之游，卽里有懷璧賣珠，師尼巫覡，及見鬼人等，直扞之戶外而已。青衣侍女，直課之札札弄機杼而已。此其難難在正風俗，弘闢睢之德，以逮諸副，而後嗣昌，普鳩鳩之恩，以撫子孫，而恩禮一。此其難難在齊家庭，清宇公捐數千粟，賑饑，捐十萬金之義田，贍役，而太君慷慨無吝色，從吏無後言。此其難難在救桑梓，吾故曰：如顧太君者，千萬姓而不一覲也。昔漂母進一飯於韓王孫，其後王齊而贈之千金，草澤老母進一豚於劉道真，其後爲吏部郎而超用其子，至富貴。今太君清宇公交相

白石樵真稿

卷八

祭文

五

祭顧太君

爲德。豈直飯豚而已哉。而飲德者何以報也。松人莫能
報。而某敢代報之。以斗酒。杯羹。太君其咲而來格來臨
乎。

白石樵真稿

卷八

祭文

五九

祭顧太君

祭錢太夫人

曩。毋。七。十。客。徵。壽。詞。擬。俟。明。歲。八。十。爲。期。不。腆。之。言。請。
佐。酒。卮。轉。賀。爲。弔。忽。以。計。馳。嗚。呼。哀。哉。武。塘。名。家。錢。最。
烏。奕。爰。求。良。耦。毋。實。世。德。卜。云。其。臧。納。以。雙。璧。來。嬾。君。
子。且。讀。且。續。豈。無。紈。綺。身。曳。大。帛。豈。無。梁。肉。口。饜。疏。食。
折。節。恭。儉。嫻。於。內。則。程。督。文。孫。遂。振。六。翮。次。公。先。登。熊。
軾。隼。輿。治。兵。督。餉。節。塞。尾。閭。長。公。廷。對。卿。雲。爛。如。玉。皇。
香。案。金。馬。秘。書。紆。青。拖。紫。車。丹。轂。朱。轂。子。食。子。原。本。慈。
闈。靈。萱。晝。永。寸。草。春。暉。帝。謂。毋。賢。雖。雖。肅。肅。清。類。懸。魚。
白石樵真稿 卷八 祭文 六 祭錢太夫人

介。同。瘞。鹿。錫。之。恩。綸。以。介。景。福。有。赫。龍。章。有。儀。象。服。德。
矩。教。家。素。風。善。族。人。外。華。胥。閨。中。名。宿。女。憲。毋。師。日。月。
未。央。何。不。百。歲。溘。然。云。云。停。飲。罷。杵。遠。近。真。傷。矧。余。世。
好。涕。泗。難。忘。斧。冰。作。糜。絮。漬。漿。白。雲。去。遠。青。鳥。來。翔。
西。池。南。嶽。縹。緲。微。茫。

祭范長白學憲元配徐安人

三吳之族。范最爲奕。文正忠宣。難乎其匹。學憲繼之。發
皇義澤。爰求良配。曰徐世德。有女君子。納以雙璧。少共
齏鹽。如貧縫掖。挑燈下帷。遂蜚六翮。爲司馬郎。老將執
戟。爲滇中師。諸生膝席。所至冷然。飲水茹檗。則惟安人。
勗以清白。大祭大賓。寸田寸宅。米鹽酒漿。筐篋刀尺。外
無耗竇。內鮮佚籍。檢括婢童。廩廩受職。時分餘晷。遊於
子墨。妙解文章。尤工詩律。桃李無顏。芙蓉奪色。晚工書
法。晉唐入室。其秀可餐。其翠欲滴。亦有家山。挿如萬笏。
白石樵真稿

卷八

祭文

六

祭范長白徐安人

乃構仙居。重開複壁。古松流泉。盤礴其側。白玉鏡臺。朱
砂筆格。水蘭新箋。綵鸞妙迹。字值千金。花蒙九錫。逍遙
人間。霄竇煙客。去歲己未。春秋六十。祝者奏詞。鏗金戛
石。何期靈馭。遽返真宅。道韞罷詠。茂漪擲筆。風咽紫簫。
塵緘寶瑟。瓊花絕種。蟠桃留核。絡緯遺音。一誦一位。

祭琅琊王敬美元配章安人

琅琊二王主盟當代。兄弟之國龍門所在勝流如雲。連
軫接蓋。余非賢者。頗識其大家風之美。安人是賴。憶昔
司馬爲相。所勸孝子。叫號聲聞於天。義不反顧。遑問舍
田。安人拮据百責。攸肩澳洗嚴姑。餘納橐。朝論日中。
公起郎署。督學奉常。俱強人意。安人相之。永有終譽。爲
文苑宗。爲清白吏。公之好客。不減弇州。畸園別墅。酒政
詩籌。安人相之。傾釀具羞。取辦咄嗟。無愆乾餱。亦有貧
士。亦有單族。恃公舉火不一。而足安人相之。解襦推粟。
白石樵真稿

卷八

祭文

六一

祭琅琊王章安人

旁施二氏。以望其腹。有丈夫子。鳳毛陸離。疇問已出。鳴
鳩視之。先教後食。先莊後慈。毋也而父母也。而師。豈惟
徽音。見於帝書。寬大顯信。庇及里閭。安人云亡。停春罷
飲。余視猶毋。禮豈後趨。聞計之日。病卧枕席。百日支吾。
搥床捫壁。迫此窮冬。洒淚一滴。斧水作糜。靈兮來格。

祭王太安人

太安人自入太原以來。蒿目攢眉者幾半世。尚寶公辛
勤報母。惟是五通之綸。而太安人不加榮。惟是三釜之
養。而太安人不加旨。翟冠象服。不加華。甲第名園。不
加喜。則何以娛太安人。但盼盼六十初度之期耳。父老具
牛酒。邦君具羔雁。上自王侯將相。六曹九列之長。函綵
刺繡。賁相望於里門。鐘鼓沸天。五孫羅拜而前。爲傳鞶
上壽。然而計者已及途矣。哀哉。太安人處富貴而若窶
貧。當康樂而若捃拾。刀尺筐篋。米鹽粢糗。必躬必親。詔
白石樵真稿

卷八

祭文

六三

祭王太安人

尚寶無敢佚也。機杼扎扎。牙籌嘈嘈。毋錢子錢。不貸銖
黍。詔尚寶無敢侈也。不知者以太安人爲過儉。過勤。余
獨以太安人爲養德。養福。昔公父文伯之毋績。文伯跪
而諫之。其毋曰。夫民勞則思。思則善心生。逸則忘善。忘
善則惡心生。男女效績。愆則有辟。古之制也。味斯言也。
太安人其文伯之毋乎。太安人以勤儉檢括其身。故尚
寶不妄取。亦不妄與。不妄交。亦不妄動。口吻無雌黃之
評。朝野有清白之譽。皆太安人從禮而靜。以成子之有
令德也。往尚寶京都歸。如鳥脫籠。如魚脫鈎。將乞身侍

毋不復出矣。余曰：今新天子御乾開泰，朝士莫不結綬彈冠，盍不脂車首途，請差還里，尚寶謝曰：舍病毋而就一官，與吳起齧臂而盟，溫嶠絕裾而行者，何異吾寧奔走群望，以徼倖毋氏萬一耳，而詎意其終不起也。稍可幸者，猶及親湯藥，視哈襦，毋子握手訣別，此天憐太安人未享人間之福，賜之孝兒，又賜之考終之報，使其毋子無憾而後卽安也。尚寶亦何必觸頭搶地叩膺呼天，不爲生孝而爲死孝乎。棘人棗棗，太安人其式靈之。

白石樵真稿

卷八

祭文

六酉

祭王太安人

